

UGOVOR O VRŠENJU USLUGA

Ovaj Ugovor je sklopljen dana 22.05.2023. godine u Mostaru između:

Agencije „Stari Grad“, M.Tita 170; 88 000 Mostar ID broj: 0004227479670004 (u daljnjem tekstu „Naručitelj“) koju zastupa direktor Miralem Fajić, na jednoj strani

i G.D. „BIŠINA“ d.o.o. Mostar, Ul.Braće Brkića br.6, 88104 Mostar Identifikacijski broj:4227213130004 (u daljnjem tekstu „Izvršitelj“) koju zastupa direktor Mirsad Bajgorić, na drugoj strani.

Nakon sprovedenog postupka javne nabavke –direktni sporazum ,u skladu sa Zakonim o javnim nabavkama („Službeni glasnik BiH“ broj:39/14 i 59/22) za nabavku usluga (brojčana oznaka JRJN:71520000-9,), Nadzor nad konzervacijom i restauracijom historijske građevine Karađoz-begovog mosta u Blagaju, Agencija Stari grad je donijela Odluku o izboru najpovoljnijeg ponuđača broj:01-19-379/23-4 od 19.05.2023.godine te prihvatio ponudu izvršitelja za naprijed navedene usluge po cijeni od 2.457,00 KM sa PDV-om, (dvijehiljadečetiristotinepedesetsedam KM 00/100), (u daljnjem tekstu “ugovorna cijena”), strane su se dogovorile kako slijedi:

Član 1.

Ovim se ugovorom utvrđuju međusobna prava i obaveze između Naručitelja i Izvršitelja u obavljanju usluga preuzetih Ugovorom.

Član 2.

Predmet ugovora čine usluge Nadzora nad konzervacijom i restauracijom historijske građevine Karađoz-begovog mosta u Blagaju.

Uslovi i način uređenja gradilišta, način i vođenje obavezne dokumentacije na gradilištu trebaju biti u skladu sa Uredbom Vlade Federacije o uređenju gradilišta, obaveznoj dokumentaciji na gradilištu i sudionicima u građenju („Sl.novine FBiH“ broj:25a/22,42/22 i 93/22).

Izvršitelj će usluge nadzora izvršiti do datuma okončanja radova po osnovu zaključenog ugovora o izvođenju radova dana 19.05.2023.godine između Naručitelja i Izvršitelja na Konzervaciji i restauraciji historijske građevine Karađoz-begovog mosta u Blagaju JRJN: 45221110-6.

Član 3.

U provođenju nadzora Izvršitelj je dužan:

- a) provjeriti i utvrditi da li se radovi izvode u skladu sa Glavnim projektom konzervacije i restauracije historijske građevine Karađoz-begovog mosta u Blagaju.
- b) potvrditi urednost izvođenja radova potpisivanjem građevinskog dnevnika, kontrolisati građevinsku knjigu i sve eventualne promijenjive okolnosti u tehničkoj dokumentaciji.
- c) Nadzorni inženjer dužan je blagovremeno obavijestiti investitora, odnosno Naručitelja o svim manjkavostima, odnosno nepravilnostima koje uoči tokom građenja.

Član 4.

Za usluge iz člana 2 ovog Ugovora, a u skladu sa prihvaćenom ponudom, Naručitelj će putem Trezora Grada Mostara Izvršitelju isplatiti iznos od ukupno 2.457,00 KM sa PDV-om, (dvijehiljadečetiristotinepedesetsedam KM 00/100), a nakon završetka usluga i dostave potpisane dokumentacije te ispostave računa, u roku ne dužem od 30.dana od dana podnošenja računa od strane Izvršitelja.

Naručitelj će platiti ugovornu cijenu ili druge iznose, koji dospijevaju za plaćanje na temelju odredbi ugovora u vrijeme i na način propisan ugovorom, na žiro račun Izvršitelja broj: broj: **1346741006833986 kod ASA Banke d.d. Sarajevo.**

Član 5.

Naručitelj imenuje gosp. **Antu Šaina , dipl.ing.građ.** kao Voditelja projekta, koji će djelovati u njegovo ime u svrhe ovog ugovora, obavljati kontrolu nad izvođenjem usluga i ostale poslove u okviru ugovora.

Izvršitelj imenuje gosp. gosp.**Nihad Elezovića dipl.ing.građ.** kao svog ovlaštenog predstavnika, koji će djelovati u njegovo ime u svrhe ovog ugovora.

Član 6.

Ovaj ugovor stupa na snagu danom potpisa obje strane.

Član 7.

Za slučaj spora po ovom Ugovoru nadležan je Sud u Mostaru.

Član 8.

Ovaj ugovor je sastavljen u 4 (četiri) istovjetna primjerka, od kojih svaka strana dobiva po 2 (dva) primjerka.

U potvrdu gore navedenog strane su potpisale ovaj dokument, čime je ugovor sukladno važećem zakonu sklopljen u Mostaru dana i godine naznačenih na početku ugovora.

U ime NARUČITELJA:
Agencija „Stari grad“

Direktor:

Miralem Fajić, dipl. pravnik

Broj: 01-19-379/23-5



U ime IZVRŠITELJA:
G.D.„BIŠINA“, d.o.o. Mostar

Direktor:

Mirsad Bajgorić

